

法苑珠林卷第二十

大唐上都西明寺沙門釋道世撰

致敬篇第九此有六部

卷第

述意部 功能部 普敬部
名号部 會通部 儀式部

藁

述意部第一

原夫上聖垂慈至人利物意欲導四生於寶所運三有於大車師弟異軌而同歸法俗殊途而一致所以立像表真彝訓常俗寄指筌月出道恒規但以妄著我人情慢泓流墮業漂淪無思悛革良由封迷累劫不識三尊愚憲頑執罕逢十聖是故命如風燭難可駐留形同石火豈容長久況復五濁交侵四蛇常逼而能安忍翫茲虛幻故使大聖慈悲適化陶誘行中要切無過礼懺行道故龍樹十住論云菩薩晝夜各有三時於此六時礼拜十方諸佛懺悔勸請隨喜迴向菩薩來至阿惟越地依此修行速成不退如念東方善德佛

等十方諸佛本願力故若有衆生於先佛所種諸善根聞是佛名即能信受便得不退菩提之心亦由愚識常聞惡聲今忽聞喚南無佛名忽然驚喜情慮欣泰罪滅福生故經云敬禮此佛能除百万生死重罪或言能除千劫生死重罪若不依此階級以動凡心則負罪者累劫受殃但聞佛名無不踊躍我有何罪不見真容雨淚滂流一心合掌我有何善聞佛名號欣喜加敬瞻仰聖顏愛戀無厭用此悲慶信根日增如此通情識心無累則於敬禮常加歸命此見道俗聞唱佛名身雖遜禮心乃外緣中途闕錯都不省悔無信無慚於是乎在或有道俗屏處礼拜或升或沉身心惰慢曾無驚懼不敬之罪於是轉加或有道俗對衆礼拜千僧万俗高聲唱和急度而禮身不遂拜心不敬思類同點兵但記空名如確上下勞無多益上來略疏非無斯咎苟求名利不存忠敬依信能入發生智識信既

不行能入何寄自下略述五意並依聖教示
其真僞請除妄歸真功成究竟也

功能部第二 仰惟大覺之慈至極之聖宿
祐嘉運冥感應期聞名致敬則勝業肇於須
臾憑心想化則妙果成於曠劫故五十三佛
聲益微塵之前三千至真光燦恒沙之後二

十五佛功利枚告之厄娑婆七寶不逮一礼
之福雖合掌之因似賒而樹王之報漸及故
知礼拜稱讚豈虛弃功虔誠呈敬冥益福利
故智度論云若菩薩未入法位遠離佛法壞
諸善根設在煩惱自不能度安能度人是故
不應遠離諸佛譬如嬰兒不離其母行路不
離糧食熱時不離涼風寒時不離暖火度水
不離堅船病苦不離良醫是故菩薩常不離
佛何以故父母親友人天王等不能益我度
諸苦海唯佛出尊令我出苦是故常念不離
諸佛也 又藥王藥上經云釋迦牟尼佛告
大衆言我答無數劫時於妙光佛末法之中

出家學道聞五十三佛名聞已念掌心生歡
喜復教他人令得聞持他人聞已展轉相教
乃至三千人此三千人異口同音稱諸佛名
一心敬禮以是因緣功德力故即得超越無
數億劫生死之罪其初千人者始從華光佛
爲首下至毗舍浮佛於莊嚴劫得成佛道即
過去千佛是也此中千佛者始從拘樓孫佛爲
首下至樓至佛於賢劫中次第成佛後千佛
者始從日光佛爲首下至湏彌相佛於星宿
劫中當得成佛現在十方諸佛善德如來等
亦得聞是五十三佛名故於十方世界各得
成佛若有善男子善女人及餘一切衆生得

聞是五十三佛名者是人於百千万億阿僧
祇劫不墮惡道復有人能聞是五十三佛名
者生生之處常得值遇十方諸佛若後有人
能至心敬禮五十三佛名者除四重五逆及
謗方等經皆悉清淨以是諸佛本擔願故於
念念中即得除滅如上諸罪佛集劫經名號

佛中釋迦等莊嚴劫經千四成佛也又決定毗尼經云若能至心敬礼三十五佛其人功德無量無邊

又佛名經云若善男子善女人聞此

二十五佛名至心受持讀誦恭敬礼拜得離地獄鐵鬼畜生三惡道苦得除瞋恚癡滅百劫重罪常生十方淨佛國王設復有人滿三千大千世界七寶一百歲中常用布施猶不如誦持禮拜二十五佛名功德千分不及一乃至算數譬喻所不能知何以故衆生善根微薄不得聞此佛名若善男子善女人得聞此二十五佛者非於一佛十佛所種諸善根是人乃於百千万佛所種諸善根然後乃得聞此佛名是人超越四十八劫在前成佛若復有人不信此二十五佛名得此功德是人當墮阿鼻地獄滿足百劫舍利弗若比丘比丘尼優婆塞優婆夷欲懺悔諸罪當淨洗浴著新淨衣淨治室內敷好高座安置尊像懸二十五枚旛種種華香供養誦此二十

五佛各日夜六時懺悔滿二十五日滅四種八重等罪式叉摩那沙弥沙弥尼亦復如是

又文殊問經讚佛偈云

我禮一切佛 調御無等雙 文六真法身亦禮於佛塔 生處得道處 法輪涅槃處行住坐卧處 一切皆悉禮 諸佛不思議

妙法亦如是 能信及果報 亦不可思議能以此紙夜 讀數如來者 於千万億劫不墮於惡道 又菩薩本行經云正使化無數億計人成辟支佛有人百歲四事供養功德甚多不如有人以歡喜心一四句偈讚歎如來功德無量 又善生經云以四天下寶

卷三十一

供養於佛又以重心讚歎如來是二福德等無差別 又大悲經云一稱佛名南無佛者以是善根入涅槃界不可盡也

述曰既知聖教礼佛功德不可思議是故行者常湏作意不得自惰恐無常忽至瞻札無處譬鼠入角路窮何趣是故經中世尊說偈云

命如風中燈 不知滅時節 今日復明日
不覺死輪至 寅冥從業緣 不知生何道
又上生經云若有禮敬彌勒佛者除却百億
生死之罪乃至來世龍花樹下亦得見佛又
云我滅度後四衆八部聞名禮拜命終往生
兜率天中若有男女犯諸禁戒造衆惡業聞
是菩薩大悲名字五體投地誠心懺悔一切
惡業速得清淨若有歸依彌勒菩薩當知是
人得不退轉彌勒成佛見佛光明即得受記
又增一阿含經云禮佛有五功德一者端正以見相好二得好聲二者端正以見佛時三自稱曰南三者持香燈以具花香明四者恭敬以供養故也五者高貴以觀

恒河沙劫生死之罪行此法者真是佛子從
諸佛生十方諸佛及諸菩薩爲其和上是名
具足菩薩戒者不湏羯磨自然成就應受一
切人天供養又涅槃經云若於佛法供養一
香燈乃至獻一花則生不動國善守佛僧物
塗掃佛僧地像塔如母指常生歡喜心亦生
不動國此即淨土常嚴不爲三灾所動也
普敬部第三 敬惟法身無相應現十方謂
四方四維上下俗儒所說唯據此洲洲外有
洲古今未說若依內典通窮無際橫亘十方
傍羅異域今佛教中娑婆忍土百億日月四
重圓輪大千世界名一佛土此猶據化佛釋
迦如來所王之域故華嚴經云盧舍那佛報
身如來所王之土復過是數盡十方界非凡
所謀故梵網經偈云

我今盧舍那 方坐蓮華座 周匝千華上
復現千釋迦 一華百億國 一國一釋迦
各坐菩提樹 一時成佛道

佛乃至念佛法身功德無邊 又普賢觀經
云若有晝夜六時禮十方佛誦大乘經思第
一義甚深空法一彈指頃除百萬億那由他

如經所云千華千佛即以一葉爲一華故一
華千葉千佛現世 又如普賢觀經云毗盧
遮那如來所王之土遍一切處其佛住處名
常寂光據此明住無住之住引凡虛心令
其敬仰至理而論安有住處如是十方無量
世界諸佛如來無時息化過現未來約凡生
滅據化而說若依實教聖化恒周功齊法界
不可以一域爲局不可以三世限論也今且
據釋迦一代現化而述故權受胎八相成道
利益淺機漸通大教乃至父母諸親俗尊上
禮如來何況下凡而不虔敬也 又佛說十二
佛名神名神呪除鄣滅罪經云余時世尊告
彌勒菩薩言彌勒東方去此佛刹有十不可
說諸佛刹億百千微塵等過余許諸刹有一
佛土名曰解脫主世界彼世界有一佛名曰
虛空功德清淨微塵等目端正功德相光明
華波頭摩瑠璃光寶體香最上香供養訖種
種莊嚴頂髻無量無邊日月光明願力莊嚴

變化莊嚴法界出生無鄣礙王如來
若善男子善女人犯四重五逆誹謗三寶及
犯四波羅夷是人罪重假使如閻浮護地變
爲微塵一一微塵成於一劫是人有若干劫
罪稱是一佛名號禮一拜者悉得滅除況復
晝夜受持讀誦憶念不忘者是人功德不可
思議而彼佛世界中有菩薩名無比無鄣礙
王如來授彼菩薩記當得成佛号曰
毫相日月光明燄寶蓮華堅如金剛身如毗
盧遮那無鄣礙眼圓滿十方放光普照一切
佛刹相王如來
彼東方復有佛名曰一切莊嚴無垢光如來
南方有佛名曰辯才瓊珞思念如來
西方有佛名曰無垢月相王名稱如來
北方有佛名曰華莊嚴作光明如來
東南方有佛名曰作燈明如來
西南方有佛名曰寶上相名稱如來
西北方有佛名曰無畏觀如來

東北方有佛名曰無畏無怯毛孔不堅名稱
如來 下方有佛名曰師子奮迅根如來
上方有佛名曰金光威王相如來

余時佛告彌勒若有正信善男子善女人稱
此十二諸佛名號之時經於十日當修懺一
切諸罪卷二十一一切衆生所有功德皆隨喜勸請一

切諸佛父住於世以諸善根迴向法界是時
即得滅一切諸罪得淨一切業障即得具足
成就莊嚴一切佛土具足無畏具足身相具
足菩薩眷屬圍繞具足無量三昧具足如意
佛刹莊嚴行阿耨菩提而得端正可喜果報
余時世尊而說偈言

若有善男子 若有善女人 受持此佛名
生生世世中 得他人愛敬 光明威力大
生處爲人尊 於後得成佛
又尸迦羅越六向拜經云佛在世時有長者
子名尸迦羅越早起洗浴著衣六方各向四
拜佛入王舍城來越遙見之佛到家問之何

爲六向拜此應何法越言父在時教我不知
何應佛言父教汝禮不以身拜越便長跪言
願佛爲我解此六意佛言聽之其有長者黠
人能持四戒不犯者今世爲人所敬後世生
天一不熟生二不偷盜三不愛他人婦女四
不妄言兩舌貪恚愚癡不能制此四意者名
爲日暗如月盡時光明稍寘能自制惡意者
如月初生其光稍明至十五日盛滿時也
佛言東向拜者謂子事父母當有五事一者
當念治生二者早起勑令奴婢時作飯食三
者不益父母憂惱四者當念父母恩重五者
父母疾病當懼求醫療之父母視子亦有五
事一者當念令去惡就善二者當教計筭書
疏三者當教持經戒四者當與娶婦五者家
中所有當給與之 南向拜者謂弟子事師
當有五事一者當敬難之二者當念其恩三
者所教隨之四者思念不厭五者當從後稱
譽之師教弟子亦有五事一者當令疾知不

忘二者當勝他人弟子三者欲令知已不忘
四者有諸疑難悉爲解說五者欲令弟子智
慧勝師 西向拜者謂婦事夫當有五事一
者夫從外來當起迎之二者夫出不在當炊
蒸掃除待之三者不得有姦心於外夫罵詈
之不得還言作色四者當用夫教誡所有什
卷二十一

物不得藏匿五者夫若寢息蓋藏乃卧夫視
其婦亦有五事一者出入當敬於婦二者衣
食以時與之三者當給與金銀珠璣四者家
中所有多少悉用付之五者不得於外耽畜
傳御 比向拜者謂人視親屬朋友當有五
事一者見之作惡私往屏處諫曉呵止之二
者小有急事當奔趣救護之三者所有私語
不得爲他人說四者當相敬難五者所有好
物當多少分與之 向地拜者謂丈夫視奴
婢使亦有五事一者當以時衣食二者病瘦
當呼醫治之三者不得妄搗捶之四者有私
財物不得奪之五者分付之物當平等與之

奴婢事丈夫亦有五事一者當早起勿令丈
夫呼之二者所當作次用心爲之三者愛惜
丈夫物不得棄捐乞人四者丈夫出入當送
迎之五者當稱譽丈夫善不得說其惡

向天拜者謂人事沙門道人當用五事一者
以善心向之二者擇好言與語三者以身敬

之四者當戀慕之五者沙門道人人中之雄
當恭敬承事問度世之法沙門道人當以六
意視其凡庶一者教施莫慳二者教之持戒
不得自犯三者教之忍辱不得恚怒四者教
之精進不得懈慢五者教之一心不得放意
六者教人黠慧不得愚癡如是行之爲汝父
卷二十二

在時六向礼拜之教也何憂不富迦羅越聞
已即受五戒作禮而去 名号部第四

夫道與俗反名與實乖得其趣者玄會幽理
何以然耶至如俗中祖考不許述其名字若
論內典諸佛名號稱揚禮敬獲福無量良以
諸佛如來大慈愍物降靈在俗濟度爲先有

心希仰無不蒙益或以口稱或以心念或以身禮三業加敬三毒清涼漸拔有根出於界繫有斯大德故稱得福彼流俗者與上相違且順一生潛諱而已遠祖後孫非諱所及孔門徵在可以鑒諸今依論中諸佛名號標舉義類各有勝能故略釋之以例諸名如西云釋迦此云能仁豈有一佛非能仁也如西云阿彌陀此云無量壽豈有一佛非長壽也如東方善德佛乃至下方廣衆德佛豈有一佛非善德非廣德也只可題名同異據其功能力用齊等但心思佛名号目覩金容敬心殷礼得福無量故十住毗婆沙論歎佛偈云若有人得聞 說是諸佛名 即得無量福如爲寶月說 我禮是諸佛 今現在十方其有稱名者 即得不退轉

觀現前也敬礼常住三寶者如涅槃經云若有人聞常住二字是人生生不墮惡趣以法身疑然不變故常報身相續不斷故恒化身作用無休故不變又佛身體一隨義說三故釋迦云吾今此身即是法身由是法身所依持故如泥木靈像遠有所表敬誠殷禮獲福無量輕心毀謗招罪弥殃然後供養嚴持香花運心周普作用佛事現前不現前常須普薦香花一切衣服飲食音樂等事皆共衆生等心供養無令斷絕故華嚴經中諸菩薩等所行供養隨心指相如見大山大雲大水大火即以爲香山香雲八功德水七淨妙華運心作意無不成供乃至花林果樹例准行之禮佛者隨礼十方佛二十五佛三十五佛五十三佛賢劫千佛万五千佛等稱名用意具如前述懺悔者所有輕重自作教他見作隨言切者謂盡際爲語恭謂束身翹仰敬謂心無異念若不唱此恐心馳散故勤情恭敬正

悔篇述勸請者至誠求願諸佛觀諸衆生巨細無異望得從願莫捨壽命願住多劫度脫衆生隨喜者他人作福心生歡喜也迴向者迴諸福德向無上道發願者願是能引行是起作若有願無行願則虛若有行無願行則孤由有願故行不孤由有行故願不虛願行相扶證果不虛故懺悔罪中亦兼有願願於今身償不入惡道受即是透明也自外臨時准用可思 通會部第五

述曰今此所叙威容相狀中邊時俗各有異儀隨國行之以敬爲本此乃初心非學不解故須委歷用曉未聞父行碩德固非所望然中天虔敬振且不同彼則拜少而遠多此則拜多而遠少彼則肉袒露足而爲恭此則巾屨備整而稱敬誠道俗之殊容乃方土之異等且自審詳威儀臨時緩急若容與朝覲則三業殷勤時序急切則四支削略斯並行藏在要智出不思足使加敬盡秉彼我通意者

士

也故出曜經曰有信士威儀有出家威儀有大道人威儀有小道人威儀由是善行趣道之基故生善處以此文證明知歸信威儀入道之始不可隱略故序以命之如俗中周禮有九品之拜出自太祝之官斯非內教然札貴從俗故也一曰稽首拜謂臣拜君之拜也稽訓爲稽計奚即久稽留停頭至地少久也二曰頓首拜謂平敵者如諸侯相拜也即以頭向下虛搖而不至地也三曰空首拜此君荅臣下之一拜也即以頭至手所謂拜手也四曰振動拜謂敬重之戰慄動變之拜也五曰吉拜謂拜而後稽頸謂齋纏不杖以下也言吉者此殷之凶拜也周以其與吉拜頓首相近故謂之吉拜即先作稽首拜後作稽頸頸是額也以額觸地無容儀也六曰凶拜謂稽頸而後頓首拜謂三年服者拜也七曰竒拜謂先屈一膝即今時所謂雅拜也一說竒拜但一拜以荅臣下之拜也八曰褒拜褒謂爲

報報拜者再拜是也云裏拜今時持節之拜也即再拜於神與屍也九曰肅拜謂但俯手下今時揖者是也亦指婦人拜又肅拜或至三也空首竒拜唯一餘則再拜之也上並俗禮正文鄭康成依位釋之如此今據內教以禮敬爲初大略爲二即身心也佛法以心爲

其本身爲其末故須菩提靜觀室內如來嘆爲禮見於法身蓮花色尼初至寶階如來毀爲拜於佛故知靜處思微念念趣道觀形鑒貞新新在俗能所未免相見齊生我倒現前即爲障道故佛約此而分身心敬也如能即色緣空觀境心造紛紛集趣不無染淨知識妄念未可清澄想倒空時緣念斯絕今居凡地力極制御止得如斯念念自然漸能清淨常起兩觀不得單行謂知塵無境是漸背俗謂知識亦無心是漸向真如此策修長時不已分分增明三祇方就也 又大慈經云佛告阿難南無佛者此是決定諸佛世尊名號

珠林

士

音聲故稱言南無諸佛故過去有大商主將諸商人爲摩竭大魚欲來吞舟由三稱南無佛名並皆免難魚聞佛名以善心故捨身後出家得道何況有人得聞佛名聽聞正法親於佛所種諸善根而不畢定利益又十誦律佛語優波離稱和南者是口語若

曲身者是名心淨若比丘禮時從坐起偏袒右肩脫革屣右膝著地以兩手接上座足禮述曰依經云和南者梵語也或云那謨婆南等此猶非正依本正云槃淡唐我札或云歸禮歸亦我之本情札是敬之宗致也或云歸命者義立代於南無也理事符同表情得盡俗人重南無而輕敬礼者不委唐梵之交譯也況復加以和南諸佛迷之彌復大笑又南無者善見論翻爲歸命覺亦云札大壽又和南者出要律儀翻爲恭敬善見論翻爲度我准此而言恭敬度我義通凡聖豈和尚偏在尊師亦遍上聖念救生也故經中來至佛所

云南無無所著至真等正覺是名口業稱歎如來德也

數座部第六

述曰敬畢經律無敷坐具之文但云脫屣禮足今據事用理須坐具故四分律云爲護身護衣護僧卧具故制畜坐具既爲身衣明知須設又坐具之用本是坐時之具所以礼拜

十
卷之二

之中無其敷文故如來將坐如常敷之准此

十一

比丘自敷而坐不合餘人爲敷今見西僧來至佛前礼者必褰裙以膝拄地合掌長跪口讚於佛然後頂礼此乃遺風猶在恭相可准行之今時僧尼至於佛前並令侍者爲敷坐具此蓋惰慢未是致敬之恭又至佛前佇立待席方始礼者此亦不可又在牀上而設礼者此亦不敬如見尊長即須急拜安得覓席如見君王即須敬礼何得在牀人王凡尊尚恭不高何況法王輒相倫擬雖有餘敬終成惰慢故三千威儀經云不得在座上礼也

明脫履者此爲申極敬儀也如此土群臣朝謁之儀皆在殿廷履屨不脫有時上殿則劔履皆捨此古之法非始今儀天竺國中地多濕熱以革爲屣制令著之如見上尊即令脫却自餘寒國隨有履著行事之時脫足爲敬若是白衣多著鞋鞋爲恭初入寺內不勞脫足若入佛堂得脫第一 第二明偏袒者依律云偏露右肩或偏露一肩或偏露一膊所言袒者謂肉袒也示從依學有執作之務俗中袖狹右袂便穩於事是也今諸沙門但出一肩仍有衫襖非袒露法如大莊嚴論云沙門釋子者肩黑是也外道通黑沙門露右故有不同律中但有三衣通肩被服如見長者乃偏袒之設以衣遮名爲偏袒一何可笑也故知肉袒肩露乃是立敬之極然行事之時量前爲袒如在佛前及至師僧懺悔礼拜並須依前右袒爲恭若至寺外街衢路行則須以衣覆肩不得露肉西國溫熱共行不怪此處

寒地人多譏笑故五分律云雖是我語於餘方不清淨者不行無過也 第三明呈恭者故律云當令一心合十指爪掌供養釋師子或云义手白佛者皆是殷容呈恭制心不令馳散然心使難防故制掌合而一心也今礼佛者多有指合掌不合或有掌合而指開良由心慢而惰散也寧開指而合掌不得合指而開掌本欲來求福却反招慢過既知一心合掌之儀即須五體投地禮之故地持論云當五輪至地而作禮也 又阿含經云二肘兩膝及項名爲五輪輪謂圓相五處皆圓能令上下迴轉生福轉多名爲輪也今有西僧禮拜之時多褰足露膝先下至地然後以肘按地兩掌承空示有接足之相也若前尊跏趺不垂脚坐者隨事而行不勞接足今見礼者二手捺地兩足據後頭不至地亦是乖慢既知五輪著地之儀即須知右膝趺跪之相經中多明胡跪趺跪斯並天竺敬儀不

集解三十
士

古
士

足可怪即是左右兩膝交牙跪地有所啓請悔過儀也 第四明札儀者聲論云槃那寐者此云札也 智度論云札法有三一是口札謂口云和南二脣膝頭不至地此名三頭頂至地上礼是名下者者挹中者跪上者贊首菩薩禮佛有三一者悔過品二者隨喜迴向品三

者請佛品問札唯身業亦通三業耶答札通三業五輪至地爲除身業不善稱揚名字歌讚佛德爲除曰業不善心常緣念若鏡目前爲除意業不善爲對佛眼故湏身札爲對天耳故湏口唱爲對他心故湏意念由口業唱故聞慧得成由意業念故思慧得成由身業

集解三十
士

札故修慧得成由身業札故戒學得成由意業念故定學得成由口業唱故慧學得成上來所述且綺平明之若據通門三業之中三學並攝也 第五明邪正者源此札法於齊代初有西國三藏厥号勒那覩此下凡居在邊鄙不閑禮儀情同猴馬悲心內溢爲翻七

種札法文雖廣周遂要出之從鹿至細對鹿爲邪對細爲正故階級有七意存後三也

第一名我慢心札者謂依次位心無恭敬恃尊自德無師仰意恥於下問詰受無所心無法據雖有設拜心馳外境如碓上下空無所獲一形所作無境住心輕生薄道徒勞無益

外覩似恭內增慢或猶如木人情不殷重五輪不具三業馳散是名我慢札也 第二唱和求名札者雖非高慢心無淨想粗正威儀身心詐恭見人身輕急札人去身惰心疲稍似恭順片有相扶其福薄少非真供養良由口唱心散是名唱和札也 第三身心恭敬札者聞唱佛名便念佛身如在目前相好具足莊嚴晃曜心相成就感對佛身手摩其頂除我罪業是以形心恭敬無有異念供養恭敬情無厭足心想現前專注無昧導利人天爲上爲最功德雖大猶未是智後多退沒是名身心札也 第四發智清淨札者良由達

佛境界慧心明利深知法界本無有礙由我無始順於凡俗非有有想非礙礙想今達自心虛通無礙故行札佛隨心現量札於一佛即札一切佛一切佛即是一佛以佛法身體用通融故札一拜遍通法界如是香花種種供養例同於此法僧加敬我亦同然雖三相別性理無殊故三乘名異解脫體同故知一札則一切札一切札則一札如是三寶既能通達一切三界六道四生同作佛想供養札拜自淨身心蕩蕩無障念佛境界心心轉明一拜一起爲尊爲勝即是淨業無窮果報無限是名發智札也 第五遍入法界札者良由行者想觀自己身心等法從本已來不離法界亦不在諸佛身外亦不在諸佛身內亦不在我外亦不在我內自性平等本無增減今札一佛即遍通諸佛所有三乘位地無漏我身既遍隨佛亦遍乃至法界空有二境依正兩報莊嚴供具無間行財隨緣遍滿不離法界隨

心無礙並薦供養隨喜頂札如一室中懸百千
鏡有人觀鏡鏡皆像現佛身清淨明逾彼鏡
遍相涉入鏡無不照影無不現此則攝他爲
摠入他爲別一身既余乃至一切法界凡聖
之身及供養之具皆助隨喜悉同供養有目
者見無目者不覩如此行學法界軌門大有

利益故地持論有現前供養不現前供養不
現前供養勝現前供養以難成故既知我身
在佛身內如何顛倒妄造邪業不生愧恥又
諸佛德用既齊名號亦等隨稱何名名無不
盡如稱一釋迦名禮召一切諸佛無不備周
如西云釋迦此云能仁豈有一佛非能仁也
西云阿彌陀此云無量壽豈有一佛非長壽
也西云彌勒此云慈氏豈有一佛非慈氏也
故智度論云一佛勝能等一切佛勝能一切
佛勝能等一佛勝能設一切佛不化衆生但
一佛化生即功歸法界德用遍周是名遍入
法界禮也 第六正觀修誠禮者此明自禮

卷二十一

七

十

自身佛不緣他境他身佛何以故一切衆生
自有佛性平等本覺隨順法界緣起熾然但
爲迷故唯敬他身已身佛性妄認爲惡縱修
此行常爲偏倒若知已身極惡無佛性者縱
敬他身終成無益衆生迷倒雖發微善唯將
法界供具供養他身無始已來未曾將一燈
一香一禮一餐供養已身佛性若能返照本
覺則解脫有期維摩經云如自觀身實相觀
佛亦然又云不觀佛不觀法不觀僧以見自
身他身平等正法性故已心清淨即是自性
住佛性隨力修明即是引出佛性三祇果圓
即是至得果佛性若據妙達唯局大聖若論
下凡雖未頓修不得不解如涉遠道要藉自
身欲見佛性要觀己佛法僧亦尅同體無二
是名正觀礼也 第七實相平等禮者大意
同前前猶存有礼有觀自他兩異今此一礼
無自無他凡聖一如體用同融如如平等古
今無別若見佛可尊可敬即見凡可卑可慢

若起此心還成僻執故般若經云是法平等無有高下是名阿耨菩提以實相離念不可以心取不可以相求不可以禮敬不可以慢情去高下離尊卑靜亂一原恭急齊固安心此意是名平等禮也故文殊禮文云不生不滅故敬禮無所觀此之一礼凡夫淺識恐聞反謗上智之人內行平等外順修敬內外合宜是名平等禮也又增一阿含經世尊所說偈言

若欲禮佛者 過去及當來說於現在中 當觀於空法 現在及諸佛 善業以先禮

此是礼佛義 若欲禮佛者 當來及過去

當觀空無法 此名礼佛義 頌曰

稽首三寶 歸誠十方 瞳仰尊敬 益福除殃
機路異色 慈誘同芳 隱顯相發 化應無疆
雖生茲土 感赴殊鄉 觀礼欣慶 福祚弥長
法性無二 縱隔何傷 虔誠一拜 周遍難量

十八

士

感應緣略引

驗

唐左監門校尉馮翊李山

龍以武德中暴亡而心上不冷如掌許家人未忍殯斂至七日而甦自說云當死時被冥收錄至一官曹廳事甚宏壯廣大庭內有囚數千人或枷鎖或杻械皆北面立滿庭中吏將山龍至廳下天官坐高牀侍衛如王者山

龍問吏此何官吏曰是王也山龍前至階下王問汝生平作何福業山龍對曰鄉人每設齋講恒施物同之王曰汝身作何善業山龍曰誦法華經兩卷王曰大善可升階既升廳上東北間有一高座如講座者王指座謂山龍曰可升此座誦經山龍奉命至側王即起立曰請法師升座山龍升座訖王乃向之而坐山龍開經曰妙法蓮華經序品第一王曰請法師止山龍即止下座復立階下顧庭內向囚已盡無一人在者王謂山龍曰君誦經之福非唯自利乃令庭內衆囚皆以聞經獲免豈不善哉今放君還去山龍拜辭行數十

步王復呼還謂吏曰可將此人歷觀諸獄吏即將山龍東行百餘步見一鐵城甚廣大上屋覆其城城傍多有小窓或大如小盆或如孟椀見諸男女從地飛入窓中即不復出山龍恠問吏曰此是大地獄中多有分隔罪計各異此諸人者各隨本業赴獄受罪耳山龍

十九

聞之悲懼稱南無佛請吏求出至院門見一大鑊火猛湯沸傍有二人坐睡山龍問之二人曰我罪報入此鑊湯蒙賢者稱南無佛故獄中諸罪人皆得一日休息疲睡耳山龍又稱南無佛吏謂山龍曰官府數移改今王放君去可白王請抄若不尔恐他官不知復追

人者是前收錄君使一人是繩主當以赤繩縛君者一是棒主當以棒擊君頭者一是袋主當以袋吸君氣者見君德還故乞物耳山龍惶懼謝三人曰愚不識公請至家備物但不知何處送之三人曰於水邊若樹下燒之山龍許諾吏送歸家見親眷正哭經營殯具山龍入室屢傍即蘇後日剪紙作錢帛并酒食自送於水邊燒之忽見三人來謝曰蒙君不失信重相贈遺媿荷言畢不見山龍自向抱持寺主說寺主傳向臨說真報記也

法苑珠林卷第二十

藁十

鍾一

錄君山龍即謁王請抄王命紙書一行字付

吏曰爲取五道等署吏受命將山龍更歷兩曹各廳事侍衛亦如此王之遣吏皆取其官署各書一行訖付山龍龍持出至門有三人謂山龍曰王放君去可不少多乞違我等山龍未言吏謂山龍曰王放君不由彼然彼三

法苑珠林卷第二十一

大唐上都西明寺沙門釋道世撰
福田篇第十此有歸信第十一壬子篇第十二

述意部

優劣部

平等部

贊

述意部第一 自大覺泥洹福歸衆聖開士應真弘揚末教並飛化衆刹隨緣攝誘感珠